

NEWS CLIPPING – PRESS

CLIENT:	DSA EXHIBITION AND CONFERENCE		
PUBLICATION:	UTUSAN.COM.MY	SECTION:	BERITA - NASIONAL
DATE:	THURSDAY, 21 APRIL 2016	PAGE NO.:	1 OF 1
CIRCULATION:	ONLINE	FREQUENCY:	ONLINE
HEADLINE:	BINA PELANCAR ROKET JENIS PAKAI BUANG		

Bina pelancar roket jenis pakai buang

22 April 2016 12:27 AM

[Share](#) [Tweet](#) [Google +](#)



QOUC BAO DIEP menunjukkan pelancar roket pakai buang M72 keluaran Nammo Roufoss.

KUALA LUMPUR 21 April –Kepantasan merupakan salah satu faktor terpenting yang menentukan kemenangan dalam peperangan di samping teknologi.

Kelengkapan yang ringan dan efektif dapat membantu pergerakan terutama anggota infantri dan pasukan khas.

Atas faktor itu, Nammo Roufoss, membina pelancar roket jenis pakai buang yang dapat memusnahkan kereta kebal dan bangunan atau apa sahaja infrastruktur untuk memastikan sasaran dapat dimusnahkan.

Pelancar roket jenis M72 yang dikeluarkan di Norway itu mampu membawa empat pelancar dalam satu-satu masa.

Timbalan Presiden Nammo Roufoss, Qouc Bao Diep berkata, sistem tersebut kini telah digunakan lebih 10 negara termasuk Malaysia.

“Senjata ini terdiri daripada satu silinder pelancar yang diliputi dengan silinder pelindung kalis air untuk melindungi roket dan alat peledak roket,” katanya ketika ditemui Utusan Malaysia semasa Persidangan dan Pameran Perkhidmatan Pertahanan Asia (DSA) 2016, di sini hari ini. Menurutnya, pelancar itu mudah digunakan dan boleh menembak di setiap sudut sukar.

“Ia bukan sahaja memusnahkan kenderaan, tetapi dapat memusnahkan kereta kebal jenis ringan.

“Beratnya hanya sekitar dua sehingga tiga kilogram tetapi mampu menembak dengan jarak 200 meter pada kadar efektif,” katanya.